

西南史地文獻

第三十二卷

中國西南文獻叢書



中國西南文獻叢書·第三輯

西南史地文獻

第三十二卷



P1008

本輯主 編：繆文遠

副主編：徐麗華

張振興

辛佩峰

本卷目錄

滇池紀游

〔民國〕

童振藻撰……

一

西南旅行雜寫

〔民國〕

向尚

李濤

鐘天石

合撰……

九三

姚惠滋

汪本仁

【民國】童振藻 撰

滇池紀游

《滇池紀游》 民國童振藻撰。振藻，淮安人。本書于民國三十五年（公元一九四七年）刊行，今據抄本影印，原書尺寸二十五點三乘十六點二厘米，版框尺寸十七點七乘十二點三厘米。

滇池紀游目錄

准安童振藻著輯

序

位置

附圖

名義

面積

深度

源委

氣候

地質

水利

物產

航路

勝跡

故實

西水

水

水

水

水

序

南游萬里訪昆湖一幅天然大畫圖缺月啣山
描印像可曾依樣似葫蘆

余與滇池之初晤也時在戊申夏五迄今卅有八載
矣回憶入滇伊始由蒙自來興（彼時滇越鐵路僅達
螞蝗田在蒙自境內）歷七日經晉寧北望滇池僅露
一角迨過呈貢登三台山西顧滇池已現半面及入
昆明登大觀樓覽之則滇池全身宛然在目蓋滇池
跨昆明呈貢兩縣境而晉寧昆陽二縣亦在其範圍
內也推行經晉寧呈貢間觀滇池第見池水汪洋而

已知非潞江之梅仙通海之杞麓兩湖所能望其項背（余由蒙自至晉寧途中經此兩湖）若行經昆明境內觀之則池之東南一帶萬松蒼蔚亘數十里滇池時隱時見于長林疏密之間若不輕易令人為豹之窺而湖光松色青白爭奇松風海濤高下競勝令人耳目發皇洵屬天開異境此第叙滇池東部之外觀耳至全部內容經余數次之蒐奇訪勝始得悉其梗概蓋余滇池游前後共有五次其中渡草海登太華山者三次第一次為庚戌之秋余長滇方言學校率諸生赴太華山旅行并採製動植物標本第二次為

甲寅之春李僉事笠孫約赴太華山修禊第三次焉
丙寅之秋太華公園鄭經理劍約同周省長惺甫張
督辦苑鷗登太華山補作重九之會信宿太華寺中
均自省垣小西門外篆塘河挈舟至大觀樓換乘大
舟橫絕滇池北部之草海直抵山西東坡驛以登陸
回時亦依此航線而行沿途凡湧月亭放生池澄清
河及池中生物遍加考察而華亭太華羅漢諸山之
古跡亦踏蘚捫蘿次第瀏覽其餘二次一係丙辰之
夏省垣私立中學校校長劉同年仲然之約放舟中
流盤桓竟日水涵異景一得縱觀一係丁卯之秋滇

各團體聯合會率赴西山晤西軍領袖以解省圍曾
與馬總辦子祥留住高曉楊升菴祠數日昕夕出游
凡碧雞山之景物碧雞關之形勢亦託貯寶囊他如
石龍壩電廠耀龍電燈公司畢協辦仲坦于戊辰春
賃筭與約余往游因雨未果然其現狀畢君曾詳述
之宛如親歷以故滇池全部之內容及兩岸諸山之
概況亦多瞭然茲就數次游訪之所獲并徵文考獻
稽古今圖籍分位置名義經緯綫面積地質深度源
委水利物產航路勝蹟故實諸門撮要而叙之

民國三十五年

淮安童振藻識于杭垣

位置

滇池位於雲南省北部出海五五八〇尺之高原
在省城西南距城約六七里如登城內五華山頂遠
眺則池之東北角可望見之池西多山碧雞華亭太
華羅漢觀音諸山其最著者也如登太華最高峯下
瞰則全池池北東北及北部河流最夥龍盤銀汁金
汁寶曹馬料白沙海源等河皆歸焉池北屬昆明市
及昆明縣作半月岬山狀東南隸呈貢晉寧兩縣西
南隸昆陽縣茲將該池位置圖製繪於左

附圖

(Faint vertical text columns, likely bleed-through from the reverse side of the page)

名義

滇池之名肇於周季周楚莊蹻探險發見據其流域以立國其名遂著於史冊漢武欲戍昆明于長安西南鑿昆明池習水戰遂有昆明池之稱至唐于滇池一帶置昆州故簡稱爲昆池或曰昆湖又因池北有昆明西南有昆陽而原人民又稱湖爲海簡稱爲昆海至錫名爲滇之意義華陽國志南中志有澤水周二百里所出深廣下流淺狹如倒流故曰滇池阮福謂據史記上林賦注滇溪作顛池顛訓爲頂蓋池獨居高頂也余按因倒流稱爲滇池則洞庭鄱陽水

皆北流非獨滇池為然訓滇為倒之說沿者雖多究有疑義若因池在雲南高原較洞庭太湖鄱陽洪澤之位置為高則滇顛天顛也與天近故稱為滇如蒙語稱天為騰格里騰格里海即天海如滇池即天池況太平寰宇記載至滇池北為草海海南為水海草海昆明境內周約五里水淺草多故名又因草露水面一名青草湖又因當省會之西一名西湖水海在晉寧境內分為金沙草湖周五十里與滇分界人稱晉寧西湖是則雲南亦有西湖焉昆陽境內有東湖一名草海周約七里與滇池連接

經緯度

滇池南自北緯二十四度三分起北至二十五度十八分止東經一〇二度四十六分起東至一〇三度止

面積

滇池南北極長處一百二十里東西極寬處四十里面積共四千八百方里與吾國本部各大湖較位居第八位

(一) 洞庭湖 八〇〇〇〇方里

(二) 洪澤湖 三二〇〇〇方里

(三) 太湖 二四〇〇〇方里